

Klaemet Save




Klaemet Buletin Blo Turisim

Hemi wan buletin we Vanuatu Meteorology mo GeoHazards Department I mekem, blong givim lukluk blong klaemet kondisen blong manis ia, blong helpem turisim sekta, komuniti mo bisnis blong planem gud ol aktiviti blong olgeta.

<https://www.vmgd.gov.vu/climate/sectoral-products/tourism-climate-outlook>

visit: www.vmgd.gov.vu





La Niña istap yet, be i stap ko blo kasem end blo hem

- Taem La Niña hemi stap, Vanuatu hemi save kasem plante ren bitim nomol. Hemi save mekem plante ren blo fiu manis kasem wan yia.

Wanem I kosem La Niña?

- La Niña hemi hapen taem win blong solwota ova long Pasifik Osen (tred wins) i kam strong moa. Ol win ia I pusum hot solwota I kam klosap long Vanuatu. Taem solwota I hot, hemi mekem moa klaod. Ol klaod ia nao oli mekem moa ren I foldaon, mo ren I save gohed longtaem

Hao nao hem i afektem turisim long Vanuatu?



- Taem La Niña i stap, Vanuatu i save kasem moa ren mo plante klaod, mo samtaem win mo solwota i save kam strong. Long saed blong turisim, hemia i save afektem aotdoa aktiviti, transport mo solwota tourism, be i no minim se turisim i stop.

- be i save helpem environment i stap green mo fres, we plante visitor oli laekem. Tourism opereta oli mas planem gud ol aktiviti blong olgeta, wetem backup plan taem i ren.

- Long saed blong solwota, La Niña i save mekem win mo swell i kam strong long sam period, we i save afektem boat travel, snorkelling mo diving. From hemia, i impoten blong ol opereta oli mas jekem ol daily weta fokas mo taed mo solwota kondisen blong VMGD. Moa ren i save distebem hiking, village tour mo beach aktiviti long sam dei,

LUKLUK BLO MANIA MAJ 2026

Day mo naet Tempreja



Wanem nao ol graf ia oli soem long tempreja blong manis Eprel 2026?

- Ol graph ia oli soemaot se dei-taem mo naet-taem tempreja bae i hot lelebet bitim nomol long plante ples long Vanuatu long manis Eprel 2026. I minim se dei bae i hot moa, mo naet bae i no kolkol tumas.

Hao nao hot dei-taem bae i afektem tourism aktiviti?

Hot dei-taem bae i:

- mekem ol aktiviti aotsaed olsem hiking, village tour mo kastom aktiviti i kam had tumas long mid-dei.
- Mekem ol tourist oli fesem heat stress, speseli long strong san.
- Mekem ol opereta oli mas planem aktiviti long moning o let aftanun.

Hao nao hot naet-taem bae i afektem tourism?

Hot naet-taem bae i:

- mekem tourist oli save no slip gud long naet.
- Resort mo hotel bae oli yusum fan mo AC moa.
- Eneji yus i save go antap.
- Ol accommodation oli mas mekem sua ventilation i gud mo givim infomesen long guest long stay komfot

Renfol blo 1 manis mo 3 manis

Wanem nao graf ia i talem long ren blong manis April mo prel kasem Jun 2026?

Graph ia i soemaot se plante ples long Vanuatu bae laikly kasem abav nomol renfol long manis Eprel mo eprel kasem Jun 2026.


Hao nao nomol renfol kondisen bae i afektem tourism aktiviti?

Nomol renfol i minim se:

- Plante tourism aktiviti i save gohed gud.
- Be sam dei bae i gat ren we i save distebem ol aotdo aktiviti.
- Ol opereta oli mas jekem daily weta fokas mo stap redi blong jenisim plan.
- **Hao nao nomol renfol I save afektem beach mo solwota turisim?**
Beach aktiviti i save gohed gud long plante dei.
- Be samfala day we I gat ren I save mekem solwota i save toti smol mo visibility blong snorkelling i save go daon.
- I gud blong checkem solwota kondisen bifo planem dive o snorkel.

Wanem nao tourism planning advaes blong ren long manis ia?

- Jekem daily weta fokas
- Planem aotdo aktiviti long gudfala taem blong dei
- Gat backup indoor aktiviti
- Infomem guest se sam dei ren i save kam strong
- Lukaot long safety blong road mo solwota travel




Marine heatwave

Wanem nao Marine Heatwave (MHW)?

- Marine Heatwave hem i taem we solwota i stap hot bitim nomol blong plante dei o wik, i no jes wan dei nomo. Hem i minim se solwota i stap hot longtaem, mo hem i save putum presha long ol fis, koral, mo narafala marine laef.

Wanem nao lukluk blong Marine Heatwave kondisen blong Vanuatu long 2026?

- Lukluk blong Marine Heatwave blong March 2026 i soem se plante pat blong solwota raon long Vanuatu bae i stap long 'Moderate' Marine Heatwave kondisen.
- Moderate Marine Heatwave i save putum smol stres long coral reef, be i no minim se bae i gat bigfala coral bleaching evri ples. Sam ples bae i stap gud, sam ples bae i jensem kala lelebet



© Pacific Community (SPC) 2025

NOAA Coral Reef Watch (CRW)



+678-24686



WWW.VMGD.GOV.VU



VMGD, NAMBATU, PORT VILA

LUKLUK LONG OL KOREL REEF

Wanem nao Coral Bleaching?


Coral bleaching hem i hapen taem solwota i stap hot bitim normal blong samtaem, mekem koral i kam stres mo lusum kala blong hem. Taem hemia i hapen, koral i no ded kwik, be hem i kam wik mo i had blong gro sapos hot solwota i gohed.

Wanem nao lukluk blong Coral Bleaching kondisen blong Vanuatu long Maj 2026?


Lukluk blong 4-wik Coral Bleaching Outlook blong 30 Maj 2026 i soem se plante pat blong solwota raon long Vanuatu i stap long alert 1, mo alert 1 lo tafea. Hemia i minim se koral i stap long stres mo hemi need blong controlem ol acvity long solwota we bae hemi continue blong afectem reef.

Wanem mining blong hem long turisim sekta?

“Alert 1 mo alert 2 i minim se i kat danger long ol korel reefs. Long saed blong turisim, hemia i minim se no tekem out any activity osem snorkeling, diving mo ol nara acivity we i save contribute blo kilim korel we i stap long stress.



LEVEL BLONG SOLWOTA



From wanem nao Sea Level hemi impoten long turisim?

Sea level hemi impoten long turisim from hem i afektem beach access, reef kondisen, mo taem blong solwota aktiviti olsem snorkelling, diving mo boat travel.

Wanem lukluk blong Sea Level blong manis Eprel 2026?

Lukluk blong Sea Level blong eprel 2026 i soem se level blo solwota long Torba bae hemi hae lelebet bitim nomol mo lo Tafea bae solwota i save godwon lelebet bitim nomol.

- i no kat any sign blong kat wan extreme level we bae save kosem damej be sapos i gat low pressure system o strong win, hemia i save mekem storm surge.

Hao nao Sea Level outlook bae i afektem turisim sekta long neks manis?

Wan sea level drop blong 30–60 mm i no bigfala samting blong tourism. Yu no save luk bigfala jenis long beach, jetty, o wharf long plante ples

LOW MO HAE TIDE

Top Lowest and Highest Tides for February to April: Loganville & Port Vila Harbor

Luganville Harbour						Port Vila Harbour					
Lowest Tide	Date	Time (VUT)	Highest Tide	Date	Time (VUT)	Lowest Tide	Date	Time (VUT)	Highest Tide	Date	Time (VUT)
0.21m	19 Apr	12:pm	1.80m	18 Apr	04:47am	0.20m	20 Apr	13:54pm	1.55m	18 Mar	05:43am
0.11am	18 May	12:04am	1.83m	17 May	04:21am	0.08mm	18 May	12:53am	1.54m	17 May	05:08am
0.06m	16 June	11:59am	1.83m	15 June	04:07am	0.03m	16 June	12:44am	1.51m	15 May	04:45am

MOON FES

New Moon 	First Quarter 	Full Moon 	Last Quarter 
19 March	26 March	2 April	10 April
17 April	24 April	2 May	10 May
17 May	23 May	31 May	8 June

 (+67823866), Free Toll 116,
  Climate@meteo.gov.vu
 vmgd.gov.vu
 Vanuatu climate & Ocean services_VMGD

**Taem yumi save gud
klaemet kondisen, yumi
save planem turisim
aktiviti blong yumi blong
stap sef mo givim
gudfala experience long
ol visitor.**



+678-24686



WWW.VMGD.GOV.VU



VMGD, NAMBATU, PORT VILA